

滿洲名臣傳

冊七下

內閣文庫	漢書類
三函	二
一四架	三〇五
	冊號

內閣文庫	漢書類
五函	二
一四架	三〇五

內閣文庫	
番號	漢 2305
冊數	160 (74)
函號	290 43




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





昔著勳績金委員監修成後仍算民堤百姓
 加意保護俾永受其益四月謬冲花苗叛福
 斂檄黔兵截後路以楚兵馮巢平之下部議
 敘加二級七月疏言安陸荊州各府被水堤
 壅冬初水退正可興工除被災老幼婦女照
 常賑濟外丁壯悉令修築優給賑米俾飢民
 得食而堤亦完固

上善其議如所請行九月奏請增設湖比糧
 道庫大使一裁蒲圻縣羊樓司巡檢從之先

荆州府志 卷三十七
 三

是閏四月

召福敏回至是得代進京授吏部尙書六年四月以前巡撫浙江時瞻徇布政使佟吉圖擅動庫銀事革職八年四月

命協理兵部侍郎五月兼戶部侍郎九月擢左都御史仍兼戶兵部事十年七月署工部尙書

特命協辦大學士事十一年十一月署刑部尙書十二年五月以審理戶部尙書彭維新

一案朦混狗隱奉

旨申飭又議福建武平縣民藍厚正毆死胞兄擬斬留養一案糊塗姑息降三級留任乾隆元年五月

命同左都御史孫嘉淦辦廢員案嘉淦劾福敏偏執

上以福敏既拘執嘉淦亦沽名另派大臣辦理八月充順天鄉試正考官二年三月充會試正考官六月教習庶吉士三年正月擢

武英殿大學士兼工部尚書二月充繙譯鄉試正考官十一月兼翰林院掌院學士四年五月加太保六月入旂通志告竣加二級六年七月

上初幸木蘭行圍福敏奏事宜六條一行圍邊外內外奏章按期馳送較

官廷清穆勞逸懸殊尤宜朝乾夕惕清明在躬從容應之一留京百官道在隨事警察因人懲戒不使偷惰者得行其私一巡行之日

言路不可不闢然有大奸惡大利害宜奏不當瑣細瀆陳傷政體一

聖祖仁皇帝於獵地之平易險阻莫不了然故周旋中度馳射如神願

皇上籌度於馳射之先一弁兵布圍未必無參差乞少加從容使未習後生得甞勉從事一弁兵從行日久必至資斧不濟量加

恩澤費無多而受惠無窮得旨覽大學士所奏俱見老誠忠懇補袞陳善

之意朕皆嘉納七年福敏年七十御製詩賜之曰前世文昌宿當朝王者師典型鷓鴣序標準鳳凰池有聞鳴鐘應方瞻霽月披者年緣令德初度值良時堂殿槐陰茂筵開日影遲春風坐綺席仙酒介麗眉久賴經綸手猶疎弟子儀壽身兼壽世長佐太平基八年七月奏時政三條一河防事宜動關呼吸難容遲滯江南石林口等處新工初就愈宜保護懇照災民請賑例一面辦理一面

奏

聞一災民勢必流移自謀生活若有司不善捐循但禁越境致輾轉溝壑宜加以玩視罪一江南湖廣等處偏災請留六省南漕賑濟懇宸斷數日截留庶上不虧儲下足濟食奏入報聞十年十二月以疾請解任諭曰卿才品優長老成端諒內廷講誦多年恪慎小心寔有裨益特簡綸扉正加眷倚覽

奏情詞懇切朕勉從所請著解任調理加銜
太傅以示篤念舊學之意卿善自頤養以承
恩澤遇精神康健風日晴和仍舊詣宮門請
安並到內廷書房看視十二年

上以詩存問曰經時未到禁門邊食履多宜
心泰然月霽風清煩暑遠忽教重憶講帷前
十七年福敏年八十

御製詩賜之曰光霽由來眾式觀絳帷黃閣
領儒克身名應擬濟南伏年德原同沛下桓

松鶴作朋還侑酒孫曾繞膝合加餐還丹益
筭何須藉兩字傳經永不刊二十一年十月
以疾卒

諭曰致仕大學士福敏品行端嚴學問醇正
老成者碩宣力年深久侍講帷勤清懋著予
告以來朕時加存問前歲抱疴會經親往看
視賜以醫藥調養就痊方謂精神康健期頤
可望今聞溘逝寔深軫悼即日朕親行致奠
著賞內庫銀一千兩經理喪事所有應得卹

典著該部察例具奏尋

賜祭葬諡文端入祀賢良祠四十四年

御製懷舊詩稱爲龍翰福先生

詩曰今古既殊宜其教亦異施古方教數年

今爲出閣時憶年舞勺歲

皇考掄賢師卽從師授經詎惟習少儀循循

旣善誘嚴若秋霜披背誦自幼敏匪曰詡徇

齊口課每速畢師留爲之辭以此倍多讀膏

益平生資誰知童時怨翻引老日悲不失赤

子心能無繼緒思嗚呼於先生吾得學之基

阿敏道列傳

阿敏道蒙古廂紅旗人姓圖爾格期氏世居

察哈爾父阿吉斯官員外郎康熙三十五年

隨西路大軍勦噶爾丹以糧運不濟兵士苦

飢阿吉斯言於眾曰我等官兵世受

國恩甘斃道路誓圖竭力前進眾皆諾及擊

敗噶爾丹於昭莫多凱旋奉

旨嘉獎交部議敘給雲騎尉世職卒阿敏道

襲雍正三年授三等侍衛四年授二等侍衛
九年四月率巴爾呼兵百由固爾班塞堪赴
巴爾坤軍營十一月復

命偕侍讀學士查克丹調喀爾喀兵三千率
之往尋儲護軍統領費雅思哈赴烏爾輝音
札罕練兵乾隆元年以許準噶爾乞和撤大
軍阿敏道還京三年授廂藍旂察哈爾總管
十九年二月率察哈爾兵隨大軍收烏梁海
十二月加副都統銜二十年正月遷所獲巴

爾沁人等於齊拉罕五月大軍定伊犁定北
將軍班第奏派管理台站八月逆賊阿睦爾
撒納叛阿巴噶斯哈丹附逆肆掠台站中斷
阿敏道輒續以兵會定西將軍永常自木壘
退駐烏爾圖布拉克撤阿敏道還事

聞革永常職以策楞代
詔阿敏道率精騎馳赴伊犁偵班第信策楞
等未即遣

上詰責之十一月率喀爾喀郡王品級連木

滿洲名臣傳 卷三十一
楚克札布等以兵千往捕阿巴噶斯哈丹賊
眾二十一年六月授廂藍旗蒙古副都統時
回魯波羅呢都霍集占有異志定邊右副將
軍兆惠察知之遣阿敏道率索倫兵百及厄
魯特兵三千赴葉爾羌哈什哈爾撫諭之且
密飭擒致之閏九月至庫車回眾閉城不納
阿敏道斬游騎四十餘圍之回眾詭告曰厄
魯特向係仇敵恐爲所害若撤還即降阿敏
道允撤厄魯特兵入城止索倫百人從或慮

危險阿敏道答曰我等招撫回眾惟期於
國家大事有濟何暇他慮遂爲霍集占所羈
二十二年

諭霍集占送阿敏道還不從謀加害庫車伯
克呼岱巴爾氏以告阿敏道謀脫歸不克死
之從者百人皆遇害事

聞

諭日照陣亡例議敘加世職爲騎都尉兼一
雲騎尉

賜祭葬如例入祀昭忠祠子彭蘇克燕丕爾
襲世職

蔡珽列傳

蔡珽漢軍正白旗人康熙三十六年進士改
庶吉士授檢討四十九年充
日講起居注官遷左中允五十年轉左諭德
五十一年提督貴州學政五十四年遷左庶
子五十五年丁母憂五十八年二月補右庶
子十月遷侍讀學士五十九年充河南鄉試

正考官六十年遷少詹事六十一年二月晉
翰林院掌院學士兼禮部侍郎七月擢四川
巡撫雍正二年川陝總督年羹堯奏開鼓鑄
珽言四川不產白鉛開採非便下部議珽阻
撓公事革職又珽辱重慶府知府蔣興仁自
殺珽以病卒
聞羹堯劾之降
旨詰責再三始欵服部議因事非軍務錢糧
酌情減等擬珽杖責

上以部臣欲寬珽罪非是再議擬斬三年正月解珽至都請

旨

諭曰茲珽所犯應如律然劾之者年羹堯也論死將謂朕以羹堯故殺珽是羹堯得操威福柄也不可其免珽罪尋召見蔡珽極陳羹堯貪暴及已所以抗拒羹堯狀

特旨授都察院左都御史三月奏請設安徽

學政如江蘇從之四月兼正白旗漢軍都統七月晉兵部尚書仍兼左都御史八月以直隸總督李維鈞匿羹堯財產命珽偕內大臣馬爾賽往究得寔革維鈞職以珽署總督時直屬被水賑濟復發帑修河間靜海諸城以工代賑珽奏言省倉米價昂貴請令臬司甫文倬至天津運截留漕米二萬石于保定平糶留萬石接濟沿途地方上如所請

勅再運通倉米十萬石往天津聽瑛調度加
賑一月倘不敷用著瑛奏明增發瑛奏條約
十四款一察叅地方官侵冒一重懲胥役捏
報一嚴訪衿棍挾制若貪士膏火無資一體
給賑一飭地方官親查賑恤一貧民戶給印
券以杜重冒一預示賑期勿致淆混一俟漕
米入倉開賑未免守候應令五十里內居民
即於水次赴領遠者因地酌通一各屬倉儲
不敷賑給者先計限成數均給撥令米至補

領一造冊遺濫者許自首改正一災黎外出
來歸者續報給賑一舞弊胥役即重處地方
官失察治如溺職例一三日之米全數給與
恐愚民資耗應分兩次散給一每村各給村
名紙旂依次給領以免踐踏一派武弁巡查
以防搶奪又言賑滿三月便續修城工賑時
所給印券領米後仍給本人修城日驗券備
工不待更查至玉田豐潤兩城亦殘壞請一
體估修又請增置布政使經歷理問各一按

請州名臣傳閱卷五十一

察使經歷一延慶衛守脩梁城所千總各一
又請移保定通判駐通州又言督撫不同城
會奏者皆於具題後知會名曰會稿寔未與
聞至叅劾屬官例由司道揭送徃徃有先拜
疏而後補揭者事雖小節寔屬欺偽請嗣後
地方重事督撫必會議具本餘者各自陳請
不必會稿其叅劾屬官司道等倘有狗庇一
體題叅或到任未久差委公出毋庸列銜是
去虛罔之虛名而收簡便之寔効也諸疏均

如所請九月調補吏部尚書其兵部左都御
史都統事兼理如故十月充

經筵講官四年四月以珽領事多解左都御
史都統事七月解禮部尚書專管兵部事十
月因前狗庇直隸昌平營叅將楊雲棟部議
革職得

旨姑從寬降爲奉天府尹先是岳鍾琪代年
羹堯爲川陝總督珽於

上前言鍾琪叵測

滿州名臣傳卷三十七

上弗信及珽署直隸總督鍾琪入

覲過保定珽造蜚語冀惑鍾琪事覺

嚴旨詰詢珽諱不吐寔五年三月

召珽回京質審時

上聞年羹堯案內伏法舉人汪景祺逆書載

珽撫川時得夔州府知府程如絲賄保治行

第一

上以景祺雖不道此言未必盡妄令侍郎黃

柄往川審理使珽同往柄覆奏屬寔下法司

彙齊擬奏尋議珽挾詐懷私罪案山積如怡

親王查勘水利撥兵引導訛傳七省搔擾軍

營罪一其子已革蔭生違例請復罪二錯悞

本章敢爲狡飾罪三屬州私借倉米徇隱不

叅罪四刑名重案違限不提罪五屬縣侵蝕

倉項代爲欺隱罪六各屬徵收銀米擅令停

解罪七支給俸工銀兩並不飭查日期罪八

寧遠等屬所收庄頭糧草改折銀數亦不詳

查罪九舖司公文被劫竟不飭拿罪十訛詐

重情告發不理罪十一侍郎五格忝屬官私
縱之事本屬秉公斑妄言冤抑罪十二私受
夔閔稅銀千八百八十兩富順縣搃規銀五
千兩罪十三假充公用冒銷藩庫銀三萬兩
罪十四婪得貪殘不法之程如絲銀六萬六
千兩金九百兩挾欺保薦罪十五交結大逆
不道之查嗣廷罪十六党庇行止妄亂之戴
鐸罪十七讒毀岳鍾琪造為荒謬之言搖動
重臣罪十八斑諸所犯均應斬決妻子入辛

者庫財產籍沒得

旨從寬改為應斬監候六年二月管理旗務
多羅信郡王德昭奏查斑家藏
硃批摺子三件應照大不敬律立斬得
旨蔡斑俟四川解送來京請旨正法先是斑
嘗薦其故吏已革知縣黃振國起用為河南
信陽州知州巡撫田文鏡劾振國貪劣不法
經侍郎海壽史貽直覆讞有蹟廣西巡撫李
綬党于斑

陞見時力陳振國無罪文鏡言皆妄珽等又
嗾御史謝濟世劾文鏡言振國事悉與綬合
上怒其結黨亂政謫濟世振國擬斬至是七
月
諭曰前因蔡珽袒護黃振國尙無顯然昭著
之款蹟是以將黃振國暫行監候今觀四川
各案蔡珽因黃振國而將地方官民株害殞
命者五六人此則顯然袒護黃振國之案件
中外所共聞者也從來人心風俗之害

莫大於朋比爲奸党同伐異朕爲此時加訓
誠提命諄諄而蔡珽李綬黃振國等輒敢回
結党援肆行欺妄合謀協力傾陷清正無私
之田文鏡以遂其報復而快其私心甚至蠱
惑謝濟世捏喪心昧理之言叅劾田文鏡異
以激朕之怒而受誅戮諫官之名用心狡獪
已極究其根源皆因黃振國一人而起是黃
振國寔匪党之渠魁若不明正典刑則陰謀
結党排濟陷害之風不能止息何以懲戒眾

人黃振國著即處斬蔡珽改爲應斬監候十

三年八月

今上御極

赦免乾隆八年卒

鄂爾泰列傳 弟鄂爾奇附

鄂爾泰滿洲廂藍旗人姓西林覺羅氏世居汪欽高祖屯表

國初率族來歸授佐領曾祖圖捫天聰五年從征明大凌河力戰陣歿授騎都尉世職雍

正三年入祀昭忠祠祖圖彥圖襲世職官戶

部郎中父鄂拜國子監祭酒鄂爾泰由舉人於康熙四十二年襲佐領授三等侍衛五十五年遷內務府員外郎雍正元年充雲南鄉試副考官

特擢江蘇布政使八月授廣西巡撫三年十月

命署雲貴總督四年五月貴州冲苗負險肆橫議撫久無成鄂爾泰分三路進剿一由谷

隆一由焦山一由馬落孔焚其寨七進克長
寨羊成壘等奏於長寨曾駐遊擊又以鎮遠
土府刁瀚霖益土州安於藩凶詐計擒之者
樂旬土司刁聯斗乞免死歸流奏給職銜示
鼓勵尋奏狎苗及川販窩黨悉就擒
上嘉其成功速議敘加三級又奏經理狎苗
事宜十一條一未獲犯中脅從者自首概寬
免一苗民失耕種期免本年正賦一歸寨者
月給米糧撫之並給耕種逾一月未歸田土

賞兵一苗多佔地仇殺令契開明界址官給
印信承業一同名各照祖先造冊不知本姓
者爲立姓一軍器悉繳隱匿及私造處決一
兵不得欺凌官不約束嚴叅一移貴陽府同
知駐長寨化導一移長寨把總駐打壤寨控
制一員弁聞劫掠即拿一面申報獲犯會審
毋袒徇部議從之十月寔授總督先是四川
烏蒙土司祿萬鐘擾東川府與滇接壤鄂爾
泰奏改東川隸滇從之

命會同川督岳鍾琪辦理烏蒙事嗣招其魁
祿鼎坤爲土守脩萬鍾不就撫至是檄總兵
劉起元整兵直入各寨投誠萬鍾遁鎮雄五
年正月萬鍾潛投四川被獲解鍾琪軍前其
黨鎮雄土司隴慶侯亦赴川繳印獻土敘功
加二級
特旨給騎都尉世職三月鎮沅猺賊戕官焚
掠剿平之獲賊首刁如珍等又廣西土府岑
映震潘虐鄂爾泰會奏

勅懲治

上命廣西巡撫韓良輔赴滇會議用兵鄂爾
泰以滇粵相距遠貴州安籠與泗城接郡親
往商六月映震惶懼乞改流存祀奏革世職
免罪安置浙江原籍給其弟映翰頂帶奉其
祖岑繼祿祀七月同楚省會剿謬冲花苗擒
其渠餘衆歸順九月擒威遠猺賊札鉄匠降
新平野城李百疊等議敘加三級十一月招
撫長寨後路生苗百八十四寨編戶口定額

賦得

旨嘉獎授一等輕車都尉十二月攻破雲南
猓賊窩泥種其地茶山六千餘里劃界建城
設員弁議敘加二級先是前任雲南總督高
其倬查奏安南國界有內地舊境百二十里
應清理於賭咒河立界國王黎維禔奏蒞復
命鄂爾泰清查給與八十里於鉛廠山下小
河以內四十里立界

頒勅曉諭至是六年正月國王具表謝鄂爾

泰以

聞

上嘉其知禮仍

賞給地四十里又奏烏蒙設鎮駐總兵改貴
州威寧鎮爲營置叅將與鎮雄東川二營歸
統轄並烏蒙設府治改鎮雄爲州隸之俱議
行三月勦擒東川謀逆之法憂伙日祿天作
賊補營長祿世豪等又米貼土目祿永孝緣
罪斬候妻陸氏勾猓獯反調總兵張耀祖等

攻門坎山所向皆克擒陸氏米貼平時廣西
猥顏光色等不法提督田峻不能剿鄂爾泰
調兵至賊殺光色等降六月

命總督雲貴廣西三省事務七年正月雲南
卿雲見由一等輕車都尉加授三等男三月
疏奏貴州丹江雞溝生苗向不服化前檄按
察使張廣泗相機剿撫今攻克各寨苗衆投
誠其上下九股及清水江古州等處以次第
貼敘功加二級九月奏乞銷去苗疆議敘

賞給會祖圖捫封典俾昭忠祠牌位得以改
書贈官

允之其苗疆功仍議敘尋加少保十二月奏
新開苗疆立營設官事宜一八寨距都勻府
九十里地方遼濶改都勻營爲協設副將駐
劄一丹江逼凱里素爲生苗盤據增丹江營
設叅將一九股尤強悍移黃施營遊擊駐施
秉舊縣一清水河有南北兩岸居中增清江
協設副將一鎮遠協原防清水江生苗今改

爲營設叅將歸清江協一天柱營近生苗向
設叅將今既分設營汛改爲都司一古州爲
都勻黎平要隘設古州鎮駐總兵改黎平協
爲營廳統轄一營汛既定設文員分駐增都
勻府同知一駐八寨通判一駐丹江鎮遠府
同知一駐清江黎平府同知一駐古州俱加
理苗字樣一所設同知通判於同駐官兵內
各撥把總兵丁爲親標護衛一施秉舊縣添
設施秉縣縣丞分駐從之八月八日烏蒙標

賊結涼山等處反總兵劉起元被害祿鼎坤
侄萬福與賊合鄂爾泰飭諸將進討叅將韓
勳大敗賊於奎鄉總兵哈元生復烏蒙同攻
克大川與閔兵會十二月擒萬福渠兇盡獲
奏入

諭曰烏蒙改設府治之初諸事尙未就緒又
值劉起元不善撫卹激成事端逆黨勾連幾
有猝難收拾之勢而將弁軍士奮勇爭先旬
月間削平寇亂此皆鄂爾泰平時節制封疆

以公忠表率官僚以義勇訓練將士而臨機
應敵又復調度有方用能迅奏膚功永安苗
境論功行賞當以鄂爾泰爲先但念該督自
聞賊變以來時時以先事疎防引過自責今
軍事告竣不肯自居蕩寇之功屢次陳奏情
詞懇切朕曲從其請以成其謙抑之素志九
年六月疏奏烏蒙善後事宜烏蒙鎮舊設中
左右三營請增設前營四營各遊擊一守備
一千總二把總四中營駐府城左營駐大閱

右營駐永善前營駐涼山鎮雄東川二營俱
增設守備一分左右軍左軍守備各駐府州
城鎮雄右軍守備駐奎鄉東川右軍守備駐
阿白溪又改威寧營爲協設副將仍歸烏蒙
鎮轄尋甸州增設兵營設叅將歸督標轄從
之尋奏全滇水利事宜一濬嵩明州之楊林
海周圍草塘可開墾一宜良縣開河五其四
灌田惟江頭村舊河利高自胡家營北另開
一道資灌溉一尋甸州尋州河有石難以灌

清州各目傳 卷三十七
五十一
概應另濬沙河十五里一東川府城北漫海
地肥水消令民承墾一浪穹縣羽河等處加
修堤工一臨安等處修築工程暨通粵河道
嵩明州河口俱查勘以時興工下部議行十
年正月

陞見二月授

保和殿大學士兼兵部尙書辦理軍機事務
諭曰大學士鄂爾泰節制雲貴廣西三省歷
有歲年於所屬苗疆悉心經理使蠻夷慕義

向風咸登樂土至於古州等處生苗自昔未
歸王化鄂爾泰運籌調度剿撫兼施俾苗人
懷德畏威抒誠內嚮疆域開拓邊境輯寧數
年以來功績實非尋常可比鄂爾泰著授一
等伯爵世襲罔替四月

諭曰朕與鄂爾泰面加商酌新疆遼澗兼有
內地舊汎非古州一鎮能統轄都江清水二
江地界形勢兩路劃然牽合歸一終難控禦
而古州鎮處都江適中清江協處清江適中

遙對雄峙各踞要區若於清江協裁去副將
改設一鎮將新疆之丹江營與內地之銅仁
鎮遠黃施天柱石阡平越等協營俱歸管轄
其餘都勻協黎平營並新設之上江下江諸
協營俱隸古州鎮轄則數千里之苗疆可無
鞭長不及之慮更屬妥協著將靖江協改鎮
時大軍剿準噶爾七月
命督巡陝甘經畧軍務九月奏報我兵敗北
路賊於額爾得尼昭賊遁必由畢躋一路中

有亥塔馬哈戈壁係要隘咨行署遠大將
軍張廣泗選將弁堵截並令廣泗繼進以壯
聲援得

旨嘉獎又奏屯田事宜一總理屯田大員頒
給闕防一客民首報地畝分別給工價其夫
役等工價口糧外加賞衣帽銀一夫役在甘
涼肅雇募地方官出給免逃逸沿途給口食
並無土堡客居一屯田諸務令所在有司協
理一各項支用銀令總理屯田大臣奏報在

軍需銀內支者另行報銷十一年五月奏言
明歲大兵前進阿勒台應先將特斯台錫里
二處所駐兵令秋後至科布多水草佳處并
於札卜堪察罕鄂羅木築堡守規台站運路
又於塔木托羅海額克阿喇勒默爾根兩納
所在各駐兵四千俟進剿時即前至科布多
候調遣俱從之六月還京仍兼兵部事十月
充入旂志館總裁兼署吏部十二年二月奏
奏兵部堂司官造冊朦混冒銷驛站錢糧

上以鄂爾泰實心任事議敘加一級七月署
廂黃旗滿洲都統十三年正月充
皇清文穎館總裁五月台拱逆苗叛鄂爾泰
自以從前籌畫未周請罪並陳疾乞
賜罷斥削伯爵暫假調理得

旨卿才品優長忠誠任事歷經簡用未負朕
恩今以抱病虛羸懇請罷斥情詞皆寔着解
大學士之任削去伯爵俾得恣心調攝至於
古州苗疆從前石禮哈等皆會奏請用兵朕

卷三十一
悉未允行及鄂爾泰爲滇黔總督以此事必
應舉行剴切陳奏朕以鄂爾泰居心誠直識
見明達况親在地方悉心籌畫必有成算始
允所請命其慎重辦理彼時苗民相率向化
成功迅速朕心甚悅特錫伯爵以獎勲庸乃
平定未久苗即數次蠢動近則直入內地煽
惑熟苗焚劫黃平一帶地方居民受其擾害
朕詢問情由鄂爾泰亦以出於意外爲詞是
從前經理之時本無定見布置未協所至則

朕昔時之輕率悞信亦無以自解國家錫命
之恩有功則受無功則辭乃古今之通義今
鄂爾泰請削伯爵於情理相合朕鑒其悃誠
而俞允之並請將前後情事宣諭中外以示
吾君臣公而無私過而不飾之意尋
命仍留三等男爵八月

今上御極

命同莊親王允祿果親王允禮及大學士張
廷玉總理事務十二月

清州名臣傳

卷三十一

五十五

清江雜錄 卷三十七 五十五
詔授一等輕車都尉並前男爵爲一等子乾隆元年二月充會試正考官七月充三禮義疏總裁二年五月充農書總裁八月查直隸河道九月奏言永定河上游無分洩下游不得暢達以致爲患請於半截河堤北開新河卽以北堤爲南堤沿之東下入六道口經三角淀北至青沽西入大河更作洩潮埝數段俾沙停埝外水歸河中則下口無阻再於上游河身自半截河以上挑濬深通南北岸分

建滾水石埝四各開引河一合清隔濁補救無難又言千里長堤爲數十州縣保障隸霸州保定文安大成境者最險要今年風浪摧壞擬於淀口出口處至陶家營築培堤工照底濶頂突法修成坦坡形龍堂灣轉角處補築月堤以資重障疏大堤對岸支河淤淺禁攔河疊道俾得暢達又言尋海縣北至獨流內受淀水外當河道亦最險處請於東岸建滾水埝開引河注之中塘窪疏通下口達海

建開防潮下王大臣議行十一月

命爲軍機大臣兼理侍衛內大臣十二月以
總理事務議敘由一等子加騎都尉併授爲
三等伯

賜號襄勤三年兼議政大臣四年二月充

經筵講官先是河南河道總督高斌請開新
運口論者以爲不便至是

上命鄂爾泰閱視四月奏言漕河運口因時
制宜屢經改易今所建新口離黃稍遠可避

倒灌不無小效臣愚以爲可用圍水挑填稍
短應再築長垣竟圍過水口一如磨盤墩式
俾外通大溜抵黃內引迴流入運其新運口
內頭二三垣向東轉北及天妃閘舊運河路
自三垣向東南灣轉而北過越閘即河臣擬
改新運河路舊河直接新路紆曲爲漕運計
應行舊河今新建閘垣未開仍取道天妃閘
旣屬便利永宜遵行又言陶莊引河長而稍
曲旋開旋淤築引河法宜徑直乃能迅駛頭

沙並須頭迎溜尾順溜放水及時臣擬定河
頭於舊之東迎溜處東北直下四百六十餘
丈尾對惠濟閘仍係順溜俟大溜盛時開放
再於對岸上流二埧三埧間接築挑水大埧
令黃水全勢趨北倒灌之虞可免得
旨如所請行又言湖河機要三事一天然二
埧不宜開免湖水全洩並興化鹽城等縣水
患一毛城舖埧已經變遷宜酌復河取直兼
放淤培岸省埧埧費下大學士九卿議從之

時河東總河白鍾山奏請復漳河故道
諭鄂爾泰於歸途勘奏尋奏言漳河故道有
二由山東邱縣城西者舊跡全湮難以開通
由城東者疏濬較易應自和爾寨村東承漳
河北折之勢接開十餘里至漳桐村入舊河
即于新河頭下東流入衛處建閘衛水弱啟
以濟運足用則閉再于青縣下另建閘埧酌
水勢分洩以保萬全從之五月加太保七年
三月充

清史稿 卷三十一 五十六
玉牒館總裁十二月副都御史仲永檀以密
奏留中事洩於鄂容安

命王大臣鞠寔請將鄂爾泰革職拿問

諭曰仲永檀如此不端之人鄂爾泰於朕前
屢奏其端正黨庇顯然久在朕洞鑒中若欲
將伊革職拿問則已於前日降旨何待爾等
今日之奏請蓋以鄂爾泰乃

皇考遺留之大臣於政務尙爲諳練若以此
事深究不但罪名重大承受不起而國家少

一能辦事之大臣爲可惜耳但其不擇門生
之賢否不訓伊子以謹飭朕亦不能爲伊屢
寬也鄂爾泰着交部議處以示薄罰尋議降
二級調用奉

旨抵銷留任八年管翰林院掌院事十年正
月以疾請解任調理

上慰留三月加太傅四月卒遺疏入得

旨大學士伯鄂爾泰公忠體國直諒持公久
任邊疆茂著惠績簡領機務思日贊襄才裕

清江雜錄 卷三十一 五十九
經綸學有根柢不愧國家之柱石允爲文武
之儀型嚮用方殷倚毗正切昨冬忽嬰痲疾
朕心屢念選醫調理存問日頒今春病勢有
加朕往看視加銜太傅冀其獲痊不意竟至
不起朕心深爲震悼親臨祭奠輟朝二日披
覽遺疏具見忠君愛國之惻怛尤爲追念不
置昔

皇考有配享

太廟遺詔着該部遵奉舉行並入賢良祠加

祭二次尋

予祭塋諡文端二十年甘肅巡撫鄂昌與詩
詞悖逆之胡中藻倡和事覺革職治罪
諭曰胡中藻係鄂爾泰門生且與其姪鄂昌
敘門誼則鄂爾泰從前標榜之私適以釀成
惡逆其詩中讒舌青蠅供指張廷玉張照二
人卽張廷玉之用人亦未必不以鄂爾泰胡
中藻爲匪類也鄂爾泰張廷玉亦因遇
皇考及朕之君不能大有爲耳不然何事不

可爲哉使鄂爾泰尙在必將重治其罪爲大
臣植黨者戒着撤出賢良祠四十四年

御製懷舊詩列諸五閣臣中

詩曰業師祇三人其三濤向剖

皇考重英才率

命書房走鄂蔣以閣臣蔡法列卿九胡顧劉
梁任邵戴來先後其時學亦成云師而寔友
不足當絳帷姓名茲舉偶鄂其中巨擘內外
勤宣久初政命總理顧問備左右具瞻鎮百

僚將美惠九有好惡畧失尙性陰陽則否遵
詔命配享旌善垂不朽鄂爾泰弟鄂爾奇康
熙五十一年進士改庶吉士散館授編修雍
正元年三月充山西鄉試副考官六月遷侍
讀七月擢詹事府詹事四年五月署國子監
祭酒九月授工部侍郎五年教習庶吉士六
月調禮部七月充順天鄉試正考官八月充
會試副考官尋

命總理國子監事署兵部侍郎九月陞戶部

尚書兼管步軍都統十年充繙譯鄉試正考官十一年九月直隸總督李衛劾鄂爾奇捉拿越控細事濫用部牌庇護私人並壞法營私紊制擾民各款

命革職交王大臣等會鞠得寔加倍治罪得旨鄂爾奇受朕深恩有玷職守大負伊兄鄂爾泰教訓理宜從重治罪朕念鄂爾泰裨益國家政務甚多以之相抵鄂爾奇加倍治罪之處着從寬免十三年卒鄂爾泰子六鄂容

安鄂寔鄂弼鄂崑鄂圻鄂謨鄂容安鄂寔鄂弼皆自有傳

瑚爾起列傳

瑚爾起滿洲廂藍旂人姓瓜勒佳氏雍正三年由監生授八品筆帖式乾隆四年授佐領十二年授協領十三年隨征金川賞戴孔雀翎十九年授呼倫貝爾總管二十年隨大軍勦準噶爾加副都統銜二十一年正月隨叅贊大臣達爾黨阿等由珠爾都斯

往追叛賊阿睦爾撒納九月偵阿睦爾撒納
竄哈薩克隨定邊左副將軍哈達哈等往索
哈薩克汗阿布賚拒戰連擊敗之復追及其
後隊及別隊斬首百餘獲馬二百餘生擒抗
吉勒圖等詢知阿睦爾撒納遁泥雅斯圖山
遣諭阿布賚擒獻二十二年二月杜爾默特
屬人劫侍衛福保
命瑚爾起擒治之五月偕叅贊大臣唐喀祿
赴察罕郭勒偵禦叛賊哈薩克錫喇七月杜

爾默特貝勒巴圖博羅特等潛通阿睦爾撒
納瑚爾起擒之於輝巴郎山後勦其屬及阿
睦爾撒納所留烏梁海五十餘戶事
聞得

旨嘉獎交部議敘八月以兵三百接應往剿
哈薩克錫勒之侍衛圖倫楚是時沙喇斯瑪
呼斯既降復叛掠台站而布魯古特台吉瓊
齊等又戕我察哈爾總管巴寧阿十月
諭曰濟爾哈朗至巴里坤適中之地着哈寧

阿率兵一千駐劄鄂寔三格瑚爾起爲副將
其瑯齊及沙喇斯瑪呼斯賊衆有散逸在附
近地方者卽帶兵搜剿十二月偕鄂寔追剿
札哈沁逃賊奮勇有功
諭部議敘二十三年三月偕都統巴圖濟爾
噶勒由呼斯坦至尼勒噶阿偵瑯齊等百餘
戶遊牧突擊執之定邊將軍兆惠以
聞
詔獎之下部議敘四月隨大軍由伊犁進剿

回部五月抵善塔斯嶺招降布魯特頭人圖
魯起鄂拜庫及所屬九月收捕阿里瑪圖河
逸賊十月

上以索倫兵從征年久

命瑚爾起及副都統鄂博什撤還瑚爾起等
懇請隨勦

允之時將軍兆惠剿回酋霍集占於葉爾羌
被圍定邊右副將軍富德檄瑚爾起及巴圖
濟爾噶勒率索倫兵由伊犁里克前進因馬

滿洲自傳卷三十一
駝未至負糧械步行戈壁中

諭曰瑚爾起等所領官兵皆因撤回更換者
昨以懇請前赴軍營已諭照初次出兵例頒
賞今又不候馬駝步行速進奮勇可嘉瑚爾
起著補授正白旗蒙古副都統巴圖濟爾噶
勒現任副都統着加恩授其弟恩克阿穆爾
爲藍翎侍衛仍曉示官兵勉效前趨以應恩
賞二十四年正月抵巴爾楚克兆惠已與富
德軍合適霍集占逆黨阿卜都克勒木等侵

和闐侍衛齊凌札卜請援兆惠令瑚爾起及
巴爾濟爾噶勒以兵九百往勦三月偵賊騎
七百餘據博羅齊乘霧突擊潰之追至早霍
勒河斬賊百餘收回人四千餘戶和闐底定
御製博羅齊行詩紀其事載巴圖濟爾噶勒
傳瑚爾起以功授雲騎尉世職七月大軍由
喀喇烏蘇追勦霍集占至阿爾楚爾賊設伏
兩山間我軍張左右翼擊之中軍發大神砲
賊敗走三十里據一山瑚爾起等自山麓橫

衝大軍齊進斬阿卜都克勒木賊大敗越山而逃八月尾追至巴達克山界之伊西洱庫爾倬爾瑚爾起等各領兵百設伏東山一帶大軍夾勦大敗之霍集占竄入巴達克山未幾巴達克山汗素勒坦沙函獻霍集占首瑚爾起分領索倫兵還二十五年八月賚銀幣七月疏言呼倫貝爾多水泉可耕請於新降塔里雅沁回人內選百人往引水灌

慨


詔如所請行即

命瑚爾起以副都統為呼倫貝爾總管董其事二十六年

命圖形

紫光閣

御製贊曰突擒輝齊其氣如虹及降勃律烏幕占風解圍和闐戰盛大食麾整而登威著西域二十九年調黑龍江副都統三十四年從征緬甸收服猛拱猛養等處以病卒於雷



營

諭照陣亡例議卹給騎都尉併前世職為一

等輕車都尉

賜祭葬入祀昭忠祠子富勒郝襲世職



滿洲名臣傳卷三十七終

大清三朝

